

詩

經

類

考

詩經類考卷之二十五

明武塘沈萬鈞仲容采輯

草木考下

稼 稽 禾

說文云禾之秀實爲稼○毛傳曰種之曰稼○周禮大司徒辨十有二壤之物而知其種以教稼稽樹藝遂人以土宜教畊稼稽遂師巡稼稽遂大夫正歲簡稼器修稼政縣正各掌其縣之政令徵比趨其稼事鄴長歲時簡器與有司數之里宰以歲時合耦于耜以治稼稽趨其耕耨司稼巡野觀稼以年之上下出

歛法注云種穀曰稼如嫁女有所生○穡說文云歛可收曰穡○毛傳云歛之曰穡○疏云以稼穡相對則先稼後穡故知種之曰稼歛之曰穡若散則相通大田云曾孫之稼非唯種之也湯誓云舍我穡事非唯歛之也○左傳疏云穡愛也言愛惜而收歛之○內則云飯黍稷稻粱白黍黃粱穡聲上提音注云穀熟而穫之曰穫生穫之曰穡○禾者穀連藁秸之總名黍稷重穡其餘稻秫菰粱之屬皆禾也麻與菽麥則無禾稱○說文云禾嘉穀也二月而種八月而熟得時之中故爲禾又禾木也木旺而生金旺而死○廣

雅云粢稻其穗謂之禾○春秋說題辭云禾者街滋
液注銜滋液以生故以禾穀爲名也○孝經援神契
云德之下地則嘉禾生○周書曰凡禾麥居東方黍
居南方稻居中央粟居西方菽居北方○董仲舒云
聖人於五穀最重麥與禾○汜勝之書云種禾無期
因地爲時三月榆莢雨時高地強土可種禾○七月
疏云苗生旣秀謂之禾種殖諸穀名爲稼禾稼者苗
穀之名公羊注云苗者禾也生曰苗秀曰禾○呂氏
春秋云飯之美者玄山之禾

樞 榆

樞其針刺如柘其葉如榆爲茹美滑爾雅云蘆莖疏
郭云今之刺榆有十種葉皆相似皮及木理異矣廣
雅云柘榆梗榆也○陸疏云其針刺如柘其葉如榆
淪爲茹美滑于白榆○陳藏器云江南有刺榆無大
榆刺榆秋實○榆按陸氏云有十種樞今刺榆也○
本草零榆味甘平生蘋川山谷即榆皮味甘寒生山
中如榆皮有滑汁秋生莢如北榆○爾雅無姑其實
夷注無姑姑榆也生山中葉圓厚剥取皮合漬之味
甘辛所謂蕪夷是也○本草云味甘辛生晉山川谷
○說文曰榆白粉也榆有刺莢爲蕪夷范子計然曰

蕪夷出地赤心者善郭璞云粉榆先生葉却著莢皮
色白廣志又曰有姑榆有郎榆郎榆無莢材任車用
善蚕者出渤海東光以供官又齊民要術云挾榆凡
榆二種色別種之勿令雜挾榆莢葉味苦凡榆莢味
甘陸機又云駁馬梓榆似又一種○淮南子曰五月
其樹榆○春秋元命苞曰三月榆莢落○管子曰五
沃之土其榆條長○禮記內則曰槿蕡粉榆兔音薨
考滌髓以滑之○崔寔四民月令曰二月榆莢成者
收乾以爲吉蓄色變白將落收爲醬隨節早晚勿失
其適○雜五行書曰舍北種榆九株蚕大得○博物

志曰食粉榆則眠不欲覺○嵇康養生論曰豆今人重榆令人眠愚知所知也○萬畢術曰八月榆柶今人不飢○鄒子云春取榆柶之火○陶隱居云榆皮性至滑利初生莢仁以作糜羹○本草衍義云榆皮礎魏音爲粉歟歲農以代食葉青嫩時取貯亦用爲羹茹

栲

郭璞云栲似樗而葉小白生於山名山樗亦類漆俗語曰櫟栲栲漆相似如一陸機疏云山樗與下田樗略無異葉差狹耳吳人以其葉爲茗今所云爲栲者

葉如櫟木皮厚數寸可爲車輻或謂之栲櫟許慎以
栲讀爲糗今人言栲失其聲耳

杻

杻爾雅疏一名櫟郭云似棣細葉葉新生可飼牛材
中車輶關西呼杻子一名土檼陸機云似杏而尖白
色皮正赤多曲少直枝葉茂好二月中葉疎華如練
而細蓋正白蓋樹今宮園種之正名曰萬歲既取名
於億萬其葉又好故種之共汲山下人或謂之牛筋
或謂之櫟材可爲弓弩幹

椒

釋木云椒榦醜抹抹實也○春秋運斗樞曰玉衡星

散爲椒○埤雅椒似茱萸而小赤色內含黑子如點

今謂椒目茱萸氣好上椒氣好下○酉陽雜俎曰椒

可以求水銀○椒爲陽中之樹最不耐寒冬日須壅

○爾雅櫟大椒躑躅生實大者名櫟陸機躑躅云樹如

茱萸有針刺葉堅而滑澤蜀人作茶吳人作茗皆合

煮其葉以爲香今成臯諸山間有椒謂之竹葉椒其

樹亦如蜀椒少毒熟不中合藥也可著飲食中又用

蒸雞豚最佳香東海諸島上亦有椒樹枝葉皆相似

子長而不圓甚香其味似橘皮島上獐鹿食此椒葉

肉自然作椒橘香○范子計然曰蜀椒出武都赤色者善秦椒出天水隴西細者善○本草蜀椒久服之頭不白令寒者熱熱者輕輕者重○山海經曰琴鼓之山其木多椒景山多秦椒○應邵漢官儀曰皇后稱椒房取其實蔓延盈升以椒塗室亦取其溫煖○本草經云秦椒生泰山川谷及秦嶺上或琅琊八九月採實蜀椒一名薈藪生武都川谷及巴郡八月採實蔓椒生雲中川谷及丘冢間採莖根煮釀酒胡椒生酉戎形如鼠李子調食用之味甚辛辣○援神契云椒薔禦濕菖蒲益聰○椒之種不一秦椒色黃黑

似蜀椒而大初秋生花秋末結實卽爾雅所謂櫟也
蜀椒卽陸機云似茱萸有刺葉堅而滑者四月結子
無花但生葉間如小豆顆而圓皮紫赤色八月採實
陰乾其生蜀都巴郡者皮肉厚腹裏白氣味濃蔓陶
云椒俗呼爲樛似椒櫟小不香耳今亦無能辨之者
又有崖椒彼土四季採皮入藥陸機所謂竹葉椒但
可著飲食中似是今之胡椒續漢書云天竺國出胡
椒段柯古云其苗蔓生莖極弱長半寸有細條與葉
齊條上結子兩兩相對葉晨開暮合合則聚其子于
葉中者是也蓋其種實自西域來耳此詩作於晉人

晉地近秦歌其土物當指秦椒

名物疏

杜社

杜赤棠也孔疏曰陸機云赤棠與白棠同耳但子有赤白美惡赤棠子澁而酢無味

苞栩

栩朱註柞櫟爾雅栩杼郭曰柞樹本草註櫟木三月開黃花八九月結實其實爲皂斗櫟櫟皆有斗木高二三丈許爾雅曰櫟其實株釋曰抜盛實之房也其實櫟也其株彙自聚柞櫟也杼也栩也皆櫟之通名櫟斗子煮食可止饑微苦壳堪染皂爾雅云栩杼

疏柳一名杼陸機疏云今柞櫟也徐州人謂櫟爲杼其子壳爲汁可染皂今京洛及河內言杼斗秦風山有苞櫟秦人謂柞櫟爲櫟河內人謂木蓼爲櫟椒櫟之屬也其子房生爲棣木蓼子亦房生故說者或曰柞櫟或曰木蓼機以爲此秦詩宜從其方土之言柞櫟是也東海及徐州謂之木蓮其葉始生食之味辛其核子八月中成搏以爲燭明如胡麻燭研以爲羹肥如胡麻羹○枕中記云棣子非果非穀最益人服食無氣而受氣無味而受味消食止痢令人強健○本草衍義云櫟葉如栗葉堅而不堪充材○齊民要

術云柞砍去還生料理還復宜種于山阜之曲十年
中櫟二十年中屋薪樵不在此數○淮南時則訓云
十二月之木可以爲車轂木不出火惟櫟爲然亦應
陰氣也

稻

稻爾雅云稌稻也○呂氏春秋曰得時之稻大本而
莖葆長桐音疏機穗如馬尾大粒無芒搏米而薄
糠春之易而食之香如此者不益先時者大本而莖
葉格對短桐短穗多粒厚糠薄米多芒後時者纖莖
而不滋厚糠多粒碎米不待定熟仰天而死○汜勝

之書種稻春解凍時耕及其土種稻區不欲大大則水深淺不遍冬至後百一十日可種稻地美者用種畝四斗○月令章句云十月穫稻九月熟者謂之半夏稻○爾雅翼云稻米粒如霜性尤宜水故五穀外別設稻人之官掌稼下地以豬蓄水以防止水以溝蕩水以遂均水以列舍水以澆瀉水稻說文曰稌也沛國謂稻曰稊奴亂反秔稻屬或作稊是則直以稊爲稻耳若鄭康成注周禮稌稊也則稻是稊要之二者皆稻也故汜勝之三月種秔稻四月種秫稻字林云糯黏稻也秔稻不黏者今人亦皆以二穀爲稻○本

草梗米味甘主益氣止煩止洩稻米味苦主溫中○
顏師古刊謬正俗云本草稻米今之糯米養生要術
云秔稻屬也稻亦秔之總名也道家方藥有用稻米
秔米此則是兩物也稻米粒自如霜味苦主溫食之
令人多瘦無肌膚秔米味甘主利五藏長肌膚好顏
色○周禮云揚州宜稻○曲禮云祭宗廟之禮稻曰
嘉蔬○月令云季秋天子乃以犬嘗稻先薦寢廟○
春秋說題辭云稻之爲言藉也稻冬含水盛其德也
故稻太陰精含水沮洳乃能化也江旁多稻固其宜
也○孝經援神契云汚泉宜稻○廣志有虎掌稻紫

芒稻南方有蟬鳴稻累子稻自漢稻七月熟青芊稻

八月熟○摩揭它國出異稻巨粒號曰供大人米卽

今江南之香珠稻也○物產志稻有一歲再收者既
春種而夏獲矣復以七月初再種至十月熟曰撫稻

○隋書婆登國有月熟之稻一月一熟○抱朴子曰

南海晉安有九熟之稻郭義恭廣志曰蟬鳴稻七月
熟稻有益下白正月種五月熟稊其莖根復生九月
復熟青芊稻六月熟累子稻自漢稻七月熟此三種
大且長三枚長一寸半○榜葛刺木國田疇極美一
歲三收氣候常熟民功不惰安南國一年再稻○事

物紀原江淮間有稻粒稍細耐水旱而成實早作飯
差硬土人謂之占城禾野錄真宗聞占城稻耐旱遣
人以珍貨求其種播植于後苑

梁

粱似粟而大本草圖經梁有青梁黃梁白梁皆粟類
青梁殼穗有毛粒青米亦微青而細于黃白梁黃梁
穗大毛長殼米俱粗于白梁而收子少不耐水旱白
梁穗亦大毛多而長殼粗扁長不似粟圓諸梁食之
比他穀最益脾胃○廣志曰有貝梁解梁有遼東赤
梁○爾雅翼云今人大抵多種粟而少種梁以其損

地力而收穫少耳然古無粟名則是以粱統粟粱比他穀最益胃但性微寒其聲爲涼蓋是亦借涼音黍从暑梁从涼其義一也禮記云祭宗廟之禮梁曰蕡其周禮食醬會膳食之宜則犬與梁相副犬味酸而濕梁甘而微寒亦氣味相成也歲凶大夫無故不食梁又喪禮沐尸君沐梁大夫沐稷士沐梁梁貴故君用之士亦用者大夫近君則嫌于同士去君遠則不嫌同也然士喪禮言沐稍故解者以沐梁爲天子之士沐稍爲諸侯之士又以爲差次而上則天子當沐黍至于飯含之米與飯餘之粥說者以士喪禮三者

文皆相續故以爲用米同然則君與士亦皆梁也○本草青梁米味甘微寒益氣補中輕身長年白梁味甘微寒主除熱益氣有襄陽竹根者最佳黃梁味甘平主益氣和中止洩陶隱居云青梁出北方黃梁出青冀白梁處處皆有左思魏都賦曰有雍丘之梁崔駰七依曰玄山之梁梁今燕代間謂之梁穀關西謂之毛穀白者曰芝麻梁一曰鵝鴨彈○通志云氾勝之書云梁是秫粟今俗謂之梁古祭祀所用粢盛是也可作粢食及釀酒亦如粳米或云梁亦有粳者○雅翼云古不以粟爲穀名但米有乎穀者皆稱粟今

人以穀之最細而圓者爲粟則粱是其類古天子之
飯有白梁黃梁者明取二種耳

蘇

蘇陸機疏云蘇似栝樓葉盛而細其子正黑如燕薁
不可食也幽州人謂之烏服其莖葉煮以哺牛除熱
苦

苦蔬正義曰苦菜此荼也陸機云苦菜生山田及澤
中得霜恬脆而美所謂莖茶如飴內則云濡豚包苦
用苦菜是也

楊

楊有青白黃赤四種青楊葉小而長白楊皮紅正白
葉大而圓其樹干霄廣志曰白楊一名高飛木葉大
于柳古詩所謂上葉拂青雲下根通黃泉是也古今
丘隴間多植之又古詩云鬼火燒白楊又曰白楊多
悲風蕭蕭愁殺人○山海經曰沃民之國有白柳亦
曰白楊又有赤楊霜降則葉赤材理亦赤黃楊木性
堅緻難長俗云歲長一寸閏年倒長一寸世重黃楊
以其無火或曰以水試之沉則無火取此木必于陰
晦夜無一星則伐之爲枕不裂詩之所指蓋白楊也
白楊性勁直堪爲屋材寧折終不曲撓○崔豹古今

注曰核楊圓葉弱蒂微風則大搖一名高飛一曰獨
搖蒲柳生水旁葉似青楊亦曰蒲核亦曰核柳亦曰
水楊卽蒲楊也支勁韌任大用○埤雅云楊之孚甲
早于衆木淮南子正月其木楊○按楊柳本二種然
相似而稱之易混爾雅云楊蒲柳卽本草之水楊也
崔正熊云葉似青楊青楊本出峽中爲牀臥之無蚕
又別一種非蒲柳也白楊株大葉圓如梨皮白多種
墟墓間黃楊葉細難長入家庭中多植以爲玩赤楊
霜降則赤又有核楊所謂唐棣之華也蒲柳一種又
有皮青皮紅之別亦名楊柳所謂楊柳依依是也凡

此皆楊之屬也本草柳華其葉狹長青綠枝條長嫩者又有杞爾雅所謂旄澤柳也有赤檉木爾雅所謂河柳也凡此皆柳之屬也然蒲柳亦曰蒲楊移楊亦曰移柳河柳亦曰小楊大抵二名常混陳藏器云江東通名楊柳北人都不言楊楊樹葉短柳樹葉長朱傳云楊柳之下垂者楊柳之揚起者說文曰柳小楊也欲知楊與柳之別者請以此三說參之

名物疏

條

條朱註山楸也爾雅云柟音賈山楨音賈山楨一名柟今之山楸也陸機疏云亦如下田楸耳皮葉白色材

言系卷末
七
理好宜爲車板能濕又可爲棺木宜陽其北山多有之

梅

梅爾雅疏孫炎云荊州曰梅揚州曰柟郭云似杏實
酢秦風云有條有梅也陸機云梅樹皮葉似豫樟豫
樟葉大如牛耳一頭尖赤心華赤黃子青不可食柟
葉大可三四葉一叢木理細緻于豫樟子赤者材堅
子白者材脆江南及新城上庸蜀皆多樟柟終南山
與上庸新城通故亦有柟也○按陸機所釋梅自是
柟木似豫章者豫章大樹所謂生七年而可知可以
爲棺舟者也陳文帝嘗出柟木造戰艦卽此柟也若

今之所謂梅迺古和羹之梅邊實之乾櫟郭璞云似杏實酢者也草木同名異種者甚多如山楨名條柚亦名條豈可以上文之條爲柚耶

苞櫟

爾雅櫟其實棣音疏櫟似樗之木也棣盛實之房也孫炎曰棣實櫟也郭云有棣彙自累陸機疏云秦人謂柞爲櫟河南人謂蓼爲櫟椒櫞之屬也

駁

駁樹皮青白遙視似駮故謂之駮六駮據所見而言也駮如馬倨牙食虎豹駮亦榆屬○毛詩義疏曰駮

駁馬梓注榆也駁舉遙視似駁馬○古今注云六駁
山中有木葉似豫章皮多癰駁

榦

爾雅云榦櫟疏郭云今楊榦也實似梨而小酢可食
陸機云榦一名赤蘿一名山梨也一名鹿梨一名鼠
梨今人亦種之極有脆美者亦如梨之美其文細密
如羅故名赤蘿又有白蘿皆文木赤蘿文棘白蘿文
緩赤蘿爲上○梁寅云子小酢可食

榆

榆之白色名粉先敷葉後著莢榆性扇地所扇各與

木等故其陰下五穀不植而古之人就以息焉

菽

爾雅云收蚍蜉

音浮

疏收一名蚍蜉郭云今荆葵也似

葵紫赤色謝氏云小草多華少葉葉又翹起陸機云

似蕪菁華紫綠色可食微苦是也○古今注云荆葵

一名戎葵一名茈芥華似木槿而光色奪目有紅有

紫有青有白有黃莖葉不殊但花色有異耳一曰蜀

葵○羅氏曰荆葵比戎葵葉小花似五銖錢大色粉

紅有紫紋縷之十名錦葵大抵似蘆花故陸氏云如

蕪青花釋草著戎葵郭氏云今蜀葵又曰收茈芥郭

氏曰今荆葵其所來各不同本草蜀葵中云小花者
名錦葵一名戎葵功用更強則以此雜之蜀葵中而
反得戎葵之名矣崔豹古今注其說戎葵蜀葵之狀
可也混荆葵茈芥之名于內非也然今人亦通呼此
爲蜀錦葵則從其類比附之耳○濮氏曰茈芥紫色
春時開花葉未生花紫色自根及榦而上連接甚密
有甚蟻窠故爾雅名茈芥俗曰火蟻

紵

紵亦麻也科生數十莖宿根在地中至春自生不再
種也荆揚間一歲三收今官園種之歲再刈刈便生

剝之以鐵若石挾之表厚皮自脫但得其裏韌如筋者謂之徽紵今南越紵布皆用此麻○周禮典枲掌布絲縷紵之麻草之物

管

爾雅云白華野菅○郭璞曰菅茅屬○白華箋云人刈白華于野已漚名之爲菅○陸疏云菅似毛而滑澤無毛根下五寸中有白粉者柔韌宜爲索漚乃尤善矣○范氏曰菅以爲屨○濮氏曰左傳云雖有絲麻無棄菅蒯蒯與菅皆謂茗也黃華者俗名黃芒卽蒯也白華者俗名白芒卽菅也○周書曰成王時會

人獻以營○山海經云天帝之山其下多營○異物志云香菅似茅而葉長大于茅不生澆下之地凡所蒸享必得此營包裹助調五味

苕

陸機云苕苕饒也幽州人謂之翹饒夏生莖如勞豆而細葉似蒺藜而青其莖葉綠色可生食如小豆蒼也○詩緝云此旨苕苕饒也非小雅苕之華所謂陵苕

旨
藺

吐綬鳥謂之錦帶功曹咽下有囊具五色卽所謂旨藺也藺本草名而紋似綬故字从鷁从草

升菴集

菴

爾雅

云鷓鴣注小草有雜色似綬陸機云鷄五色作綬故

云綬草

菡萏

埤雅云荷總名也其的中有青爲薏皆倒生兩牙一成芰荷一藕荷也又生一牙爲華藕荷貼水生藕者也芰荷無藕卷荷也與華偶生出水上亭亭如繖者亦或謂之距荷藕荷一本其支旁行爲藕節生一花一葉○字說云菡萏實若自隨昏昕開闔○荷蕖蕖又名芙蓉其莖茄其葉葭其本蕡郭璞云蕡莖下白蒻在泥中者其花爲菡萏其實蓮亦謂房也其根

藕其中菂菂中薏菂蓮實薏中心苦者也

升菴集

郭璞

云北方人便以藕爲荷江東人呼荷葉爲芙蓉蜀人以藕爲茄或用其母爲子花名或用其子爲母葉號此皆名字相亂習俗傳誤○廣雅芙蓉其根曰藕陸機云凡芙蓉行根如竹行鞭節生一葉一花花葉常偶生又善耕泥引長故謂之藕藕生應月月生一節遇閏則益一節○釋文曰未開曰菡萏已發曰芙蓉芙蓉花之號也通謂之芙蕖○埤雅云秀曰菡萏嘵茂曰華○滇池有衣鉢蓮花盤千葉蓋分三色其金池方數十里水在泥沙皆如金色其中有四足魚金

蓮花洲人研之如泥施之絲繪光輝燦爛與真金無
異其釣仙池有一種蓮一歲兩結實有睡蓮浮于水
面其色五種當夏晝開水上夜則縮入水底晝則復
出儋州城南池中荷花四季常開臘月尤盛潤州有
蓮花有佛坐花中形如雕刻出原始○古今注曰一名
水且一名水芝一名澤芝一名水花花有赤白紅紫
青黃○管子曰五沃之土生蓮○毛詩義疏曰的可
磨以爲散如粟飯輕身益氣令人強健又可爲糜○
援神契曰王者德至于地則華萃感注云華萃並頭
蓮也○埤雅云字說曰藕藏于水其自處卑無所加

焉其所與汙潔自若中有空焉不偶不生若此可以偶物矣而無枝附泥不能污水不能沒挺出而立若此可以加物矣蓮既有以自白又會而屬焉若此可以連物矣菡萏矣若曰隨昏昕闔闢焉邇假根以立而不如藕之有所偶假莖以出而不如茄之有所加假華以生而不如蓮之有所連首蕶之有齒也若此可謂遐矣夫菡物者終于吐連物者終于散偶物者或析之加物亦不可爲常故遐在此不在彼也密退藏於無用而可用可見者本焉若此可謂密矣合此衆美則可以何物可以爲夫可以爲渠故曰荷芙蓉

蕖也荷以何物爲義故通于負荷之字○漢靈帝渠
水中蓮大如蓋其葉夜舒晝捲名夜舒荷漢宣帝林
池植分枝荷一莖四葉狀如輒蓋日照則葉低蔭如
葵衛足又名低光荷○方物記蜀中有朝日蓮花色
或黃或白葉浮水上開則隨日所在日入輒歛藏葉
下若葵藿傾太陽也○拾遺記曰漢昭帝遊郴池有
芙蓉紫色大如斗花葉甘可食芬氣聞十里之內蓮
實如珠○華山記曰山頂有池池中生千葉蓮花服
之羽化因名華山

萐楚

爾雅云萇楚銚弋

銚音姚

二名一種也或曰鬼桃葉似

桃華白陸機疏云今羊桃是也葉長而狹華紫赤色

其枝莖弱過一尺引蔓於草上今人以爲汲灌重而
善沒不如楊柳也近下根刀切其皮著熟灰中脫之

可韜筆管○埤雅云白華子如小麥其葉與實皆似

桃故有桃之號一云有兩羊桃一種華實皆連理○

本草羊桃一名羊腸一名御弋生山林川谷及生田

野○陶隱居云子細小苦不堪噉花甚赤○蜀本圖

經云葉花似桃子細如棗核多生溪澗今人呼爲細

子根似牡丹○名物疏云羊桃必蔓於草上而鄭氏

云始生正直長大不妄尋蔓草木者誤也

苞稂

稂一名童梁陸機疏云禾秀爲穗而不成則嶷然謂之董梁今人謂之宿田翁或謂之守田也外傳曰馬不過稂秀是也○郭璞云莠類○傳云稂非溉草得水而病○說文云禾粟之采生而不成者謂之董音𦵹郎或从禾作稂○羅氏云稂惡草也古以飼馬魯仲孫它馬餓不過稂莠謂此也詩稱不稂不莠孔氏正義云稂莠苗既似禾實亦類粟鋤禾除非類莠旣別是一物稂亦當是一物許未重陸機以爲禾之不

成者則是亦禾而已何至與莠並稱乎按本草有根
尾草子作黍食之令人不飢似茅作穗生澤地廣志
曰可作黍引爾雅孟狼尾今人呼爲狼茅子然則此
物似是稂耳稂既有實如黍故能亂苗又莠今謂之
狗尾草稂名狼尾則亦相似○按稂鄭破字作涼以
爲蕭蒿之類今未有草名涼者

俱名
物疏

著

著陸机云似籜蕭青色科生○本草云著實主益氣
充肌膚明目聰慧先知久服不飢不老圖經生少室
山谷今蔡州上蔡縣白龜祠旁其生如蒿作叢高五

六尺一本

二十莖至多者三五十莖生便條直異

於衆蒿秋後有花出於枝端紅紫色形如菊○易云

蓍之德圓而神聖人之作易也幽贊于神明而生蓍

○周官筮人上春相筮○洪範五行曰蓍之爲言者

也百年一本生百莖此草木之壽亦知吉凶者聖人

以問鬼神○逸禮曰天子之蓍九尺諸侯七尺大夫

五尺士三尺○論衡云蓍生七十歲生一莖七百歲

生十莖神靈之物遲也○說原云草植三百六十蓍

爲之長○說文蓍蒿屬生千歲三百莖可以爲卜策

白虎通云此天地之間壽考物也故問之龜策傳曰

蓍所生獸無虎狼草無毒蟻上有壽蓍下有神龜又曰蓍滿百莖者其下必有神龜守之其上常有青雲覆之傳曰天下和平王道得而蓍莖長丈其叢生生滿百共根是也今世取蓍八十莖長八尺卽難得矣得六十莖長八尺即可用○博物志云蓍一千歲而三百莖其本以老故知吉凶蓍末大於本爲上吉莖必沐浴齋潔食香每日望浴蓍必五浴之浴龜亦然○傳玄賦云春邁德於青陽混百卉而萌生逮朱夏而修茂暨商秋而堅貞雖離霜而未彫與潛龜乎通靈

蕷

傳云蕷蕷草也○箋夏小正四月王蕷秀蕷其是乎物成自蕷蕷始○說文云詩曰四月秀蕷劉向說此味苦苦蕷也○名物疏云按蕷草毛公不云何物鄭疑爲王蕷蔡離月令章句曰蕷草名生于陵月令四月王瓜生鄭注云王瓜草挈也今月令云王蕷生夏小正云王蕷秀未聞就是呂覽孟夏王善生注云善或作瓜瓠音契然則鄭以王蕷卽王瓜而又以王瓜爲芟蕷也呂覽淮南高誘一家之說而一以爲瓠瓠一以

爲芟契考本草王瓜一名土瓜生魯地平澤田野及
人家垣墻間三月採陰乾圖經云葉似瓠圓無乂
缺有刺如毛五月結黃花花下結子如彈丸生青熟
赤根似葛細而多繖均房間人呼爲菟瓜爾雅曰黃
菟瓜郭璞云似土瓜而土瓜自謂之鈎駁音始蓋菟
瓜別是一種也予謂本草明言王瓜一名土瓜則二
物小異實一種耳王蕡又是一物蔡邕生于陵本草
云生田中葉青刺人有實七月採陰乾且夏亦正云
王蕡秀月令云王瓜生定非一也若枯槁自是果羸
之實芟契自在少部中品之上陶隱居云鄭玄以王

瓜爲芨芨殊爲謬矣曹氏則以爲藥草之遠志據爾雅有云蕘繞棘蕘郭璞曰今遠志也似麻黃赤花葉銳而黃其上謂之小草本草云遠志味苦一名棘蕘一名蕘繞一名細草四月採根葉陰乾圖經云根黃色形如蒿苗名小草似麻黃而青又如華豆葉亦有似天青而小者三月開花白色泗州出者花紅根葉俱大于他處商州者根黑色曹氏以蕘繞之名偶涉於蕘又味苦合于劉向之說故定爲遠志嚴氏亦從之然不榮而實謂之秀遠志有花則不得云秀矣且本草但言四月採根葉不云採實也或曰黍稷有華

亦可曰秀若然則秀是吐華婁繞花又以三月開不以四月曹氏所見未必果核若從鄭氏以爲王蕡則實以七月採以爲王瓜則王瓜亦有花五月方開花下結子亦不得以四月秀也朱子闕而不說良亦有以唐山夫人歌云豐草婁注云婁盛貌或者詩泛言草有盛秀者乎

鬱

一名車下李一名夫核一名莫李一名鬱梅

禮記疏

○爾雅翼云鬱實大如李正赤食之甜五月時熟○

毛詩義問曰樹高五六尺

奠

莫爾雅作崔崔山韭卽韭之生山中者韓詩云六月
食鬱及崔也恐非○莫俗謂燕郁○魏都賦云莫梅
楊李若榴郁棣蓋莫是鬱類而小別卽莫李是也○
本草云郁李一名鬱李一名車下李一名棣生高山
川谷及丘陵上五六月採根陸機云唐棣莫李也一
名雀梅亦曰車下李所在山谷皆有華或赤或白五
月成實大如李子○爾雅翼云邠土務農所植皆百
穀百蔬有益于民者若果蔬之屬唯瓜足以去時暑
棗足以救歲乏故重而記之鬱莫等果不登于逆不

用子摯正爾食之何補飢渴似兒戲耳不若鬱菜及
薁之可以食賤老也○本草圖經云郁李木高五六
尺枝條葉花皆若李惟子小若櫻桃赤色而味甘酸
核隨子熟六月採根并實及核中仁用○名物疏云
按薁一名郁李一名薁李一名薁薁一名
棣一名鬱李一名車下李廣雅謂之薁舌與鬱俱棣
屬也故同得車下李之名陸機以唐棣爲薁李非也
而以爲實大如李則得之本草圖經謂薁李子如櫻
桃則似說常棣非郁李也郁李雖棣屬然非爾雅所
謂常棣唐棣也古之說者惟不知唐棣爲扶搖木而

以爲莫又不知莫別是一種而以爲常棣故本草注及詩緝諸說俱誤今由陸機崔豹鄭樵及本草諸說參詳之始知其別如此魏王花木志云燕莫實如龍眼黑色說文謂之莫莫詩疏一名車軒藤邠詩六月食莫者此也廣志曰燕莫似梨早熟據此又非郁李而二說亦相矛盾殆不足取證韓詩莫字又作藿是爾雅所謂藿山韭者非毛詩之莫爾雅翼云山韭形性與韭相類但根白葉如燈心苗

葵

葵之種類不一有丘葵廣雅曰蘿丘葵也有胡葵廣

志曰其花紫赤有冬葵陶隱居曰以秋種葵覆養經
冬至春作子謂之冬葵本草圖經云苗葉作菜茹更
甘美管子曰桓公北伐山戎得冬葵布之天下是也
有蜀葵爾雅所謂朶戎葵者也郭璞云如木槿花戎
蜀蓋其所自因以名能自衛其足又名衛足葵花有
五色有紅者又號一丈紅又有黃蜀葵與蜀葵頗相
似葉尖狹多刻缺夏末開花淺黃色蕊心下作紫檀
色本草衍義云與蜀葵別種非爲蜀葵中黃者也有
錦葵花小葉圓有終葵一名落葵一名天葵一名繁
露一名承露一名藤葵爾雅所謂終葵繁露是也郭

璞云大莖小葉紫黃色陶隱居云人家多種之葵惟可飣鮓子紫色女人以漬粉傅面爲假色俗呼爲胡燕脂又名染薑子蜀本圖經云蔓生葉圓厚如杏葉子如五味子生青熟黑所在有之食療云其子令人面鮮華可愛取蒸烈日中曝乾接去皮取仁細研和白蜜傳之甚驗博物志云人食落葵爲狗所齧作瘡則不瘥有龍葵本草唐本註云卽關河間謂之苦菜者葉圓花白子若牛李子生青熟黑但堪煮食不任生啖孟說云其味苦接去汁食之食醫心鏡云龍葵作羹粥食之並得圓經云惟北方有之北人謂之苦

葵葉圓似排風而無毛有莧葵爾雅曰蒓莧葵郭璞註云頗似葵而小劉禹錫所謂兔葵燕麥○廣志云兔葵淪之可食本草唐本註云苗如龍芮葉光澤花白似梅莖紫色煮汁可食有荆葵一名茈葵爾雅曰荳妣舛是也郭璞註云似葵紫色陸機云似蕪菁華紫綠色可食微苦有錢葵叢低又一種鮮妍可愛有兒葵馬融傳曰桂花兒葵葉圓似蓴生水中一名水葵有蒲葵可食葉似葵而大中作扇謝朓云蒲葵扇中者捉之是也有露葵顏氏家訓云蔡朗父諱純遂呼蓴菜爲露葵王維詩云松下清齋折露葵意謂帶

露之葵不指蓴菜蓋蓴菜非輞川所有宋王諷賦云
烹露葵之羹曹植七啓云霜蓄露葵語並在蔡朗前
亦不指蓴菜有楚葵卽水中芹菜有澤葵卽莼苔鮑
昭蕪城賦澤葵依井是也齊民要術又有鴨脚葵紫
莖葵白莖葵春葵秋葵余按葵類雖多鮮不堪茹古
人重之故幽風七月烹葵周禮醢人饋食之豆其實
葵菹儀禮贊者一人執葵菹以授主婦公儀休食葵
而美魯監門女嬰謂馬佚食園葵歲利亡半魯漆室
女謂馬佚踐園葵使終歲不厭葵味崔寔云六月六
日可種葵中伏後可種冬葵九月作葵菹乾葵潘岳

閑居賦菜則綠葵含露齊周顥荅王儉云綠葵紫蓼
荆楚歲時記云仲冬菜經霜蕪菁葵等雜菜乾之並
爲鹹菹齊民要術有種葵法甚詳又謂種葵三十畝
勝作十頃穀又爾雅翼云葵爲百菜之王味尤甘滑
今人絕不食此是以亦鮮種之不知何故余也葵藿
之姿意將訪諸老圃廣藝茲品以當梁肉出真珠船特牲
記云鉶芼夏葵冬荁○天有十日葵與之終始故葵
從葵升菴集○圖經云葵有數種味甘寒無毒○臘仙
曰葵陽草也開花時其花自朝至暮隨日而轉古謂
之向日葵也俗謬以蜀葵黃葵向日非是蓋葵菜易

生郊野甚多不拘饒瘠之地有生墻上者亦茂塗陽
極廣稔年可濟饑饉○月令廣義按古人往往以葵
藿傾陽則葵爲菜花非玩花也神隱之說爲是○小
滿初候吳葵華古月令也今文則苦菜秀○月令廣
義葵有紫莖白莖二種春必畦種水澆而冬種者有
雪勿令從風飛去每雪必勞之令地澤不蟲招必待
露所收必待霜降傷晚則黃爛傷早則黑澁○水葵
莖甚淡三月至八月細如釵股名懸葵九月至十月
漸粗在泥中者曰龜葵春末夏初有莖末葉名雉尊
一名茆○陳葵子微炒令爆咤散著熟地中遍踏之

朝種暮生遠不過宿○師曠占曰欲知牛馬貴賤秋
葵下小葵生牛馬貴大葵不蟲牛馬賤

菽

菽物理論曰菽者衆豆之總名○張楫廣雅曰大豆
菽也小豆荅也埤豆豌豆蹠豆也胡豆躰致也豆角
謂之莢其葉謂之蘿也巴菽巴豆也說文萁豆莖○
廣志曰種小豆一歲三熟味甘白豆粗大可食刺豆
亦可食秬豆苗似小豆紫華可爲廻生朱提建寧胡
豆有青者黃者○呂氏春秋曰得時之菽長莖而短
足其莢二七以爲族多枝數節競葉蕃實大菽則圓

小菽則博以方稱之重食之息以香如此者不重先時者必長以蔓浮葉踈節小莢不實後時者短莖踈節本虛不實○春秋佐助期曰豆神爲靈趙長七尺大日通于時節○荏菽戎菽也箋云大豆也○援神契云赤土宜菽○汜勝之云三月榆莢雨時高田可種大豆保歲易爲宜古之所備凶年也大豆生戴甲而出種土不可厚厚則項折不能長達夏至後二日尚可種小豆不保歲難得宜椹黑時種○草木子云豆以二七爲候粟累十二爲寸○雅翼云羞邊之實饅餌粉粢皆稻米黍米所爲以其黏着故擣粉熬

大豆以爲表○春秋說題菽者屬也春生秋熟理通體屬也菽赤黑陰生陽大體應節小變象陽色也○格物論云菽大豆也左傳隕霜殺菽蓋菽最難殺者殺菽知草皆死菽之小者名藿又曰藿者菽之葉也子路食藿負米○王子年拾遺記曰東極之東有傾離豆見日則傾葉食者歷歲不飢豆莖皆大若指而綠一莖爛熳數畝

棗

棗園有棘朱註棘棗之短者埤雅云大者棗小者棘棗性重喬棘則低矣故制字如此本草注棘有赤白

二種小棗也叢高三四尺花葉莖實俱似棗也○禮記婦人之贊脯修棗栗又曰棗曰新之又曰棗栗飴蜜以甘之○爾雅有壺棗今江東呼棗大而銳上者爲壺壺猶瓠也邊要棗細腰今謂之鹿盧棗樛白棗卽今棗子白乃樛樛棘棗樹小實酢所謂酸棗是也楊徹齊棗註未詳遵羊棗實小而圓紫黑色洗大棗今河東猗氏縣出大棗子如雞卵煮填棗註未詳蹶洩苦棗子味苦皆無實棗不着子者還味捻棗還味短味也○棗李曰寃之孫炎曰寃去其核○本草曰凡棗九月採日乾補中益氣久服神仙○周禮饋食

之遊其實棗○岐峰棗樹高百尋枝莖皆空百歲一
實長尺核細而柔見拾遺記○上林苑中有玉門棗見西京雜記

○廣志曰西王母棗三月熟在衆果之先穀城紫
棗長二寸梁國夫人棗大白棗名曰感谷小核多肌
三皇棗駢白棗灌棗獲此四者官園所種又有雞心
狗牙彌猴細腰羊角之名又有互棗大棗崎廉棗桂
棗夕棗之名○述異記北方有七尺棗棗實未熟雖
擊不落已熟則爛不擊自墮故齊民要術所謂全赤
卽收收法撼而落之爲上是也夏小正曰剥棗栗零
剥也者取也零也者降也零而後取之世云噉棗令

人齒黃養生論曰齒居晉而黃晉齒食此故也○青
史子云棗北方之草冬木也○本草云大棗味甘平
主心腹邪氣安中養脾助十二經平胃氣通九竅補
少氣少津液和百藥久服輕身不老八月採暴乾圖
經云棗極美者有水菱棗御棗之類羅氏云棗有十
一名郭氏得九焉後世有紫棗玄棗西王母棗東海
蒸棗洛陽夏白其名不可勝載淮南子十一月棗棗
取其赤心

瓜

許慎說文曰瓜象形也辨瓜實也大戴禮曰五月乃

言
卷之三
三
瓜乃瓜者急瓜之辭也瓜也者始食瓜八月剝瓜苗
瓜時也○禮記曰瓜祭上環食中棄所操

上環爪頭也
及

祭

法曰夏祠秋祠皆用瓜○廣雅曰冬瓜跋音及也水芝

瓜也其子謂之蘋○廣志瓜之所出以遼東廬江燉

煌之種爲美有烏瓜魚瓜無餘瓜白瓢瓜桂支瓜綠

瓜狸頭瓜蜜筍瓜女臂瓜虎掌瓜兔頭瓜龍蹄瓜羊

散瓜大如斛出涼州舊陽城瓜州大瓜如斛御瓜也

有青登瓜有柱杖瓜長二尺餘蜀地溫有秋泉瓜秋

種冬熟有春日瓜冬種春熟○洞冥記有龍肝瓜長

一尺花紅葉素生于冰谷所謂冰谷素葉瓜○瀛涯

勝覽
靺鞨國西爪一枚用二人舉之○月令五月黃
爪生黃爪一名土爪一名落鷗爪今藥中所用也○
朱炎山上有靈爪王母謂元夫人曰造朱炎山陵食
爪其味甚美○菜爪昏人目驢馬食之卽時目爛○
李沉則熟爪浮則甘○山海經積石有爪一歲三熟
○周禮地官曰委人掌畜聚物爪瓠芋葵禮記云爲
天子削爪者副之巾以絲爲國君華之巾以絳爲大
夫累之士寃之庶人斂之又云天子樹爪華不歛藏
之種也又云仲冬行秋令則天雨汁爪瓠不成○龍
魚河圖曰爪有兩鼻者殺人○莊子曰朽爪化爲魚

物之變也○埤雅云瓜字象其實在瓠蔓之間性少延輒腐性惡香尤忌聞麝麝氣觸之乃至一蒂不收又云瓜祭上環舊說其付謂之環環瓜之脫華處也其當謂之蒂蒂瓜之繫蔓處也蒂味小苦墨子曰甘瓜苦蒂天下物無全美也○本草瓜蒂七月採圖經云卽甜瓜蒂也又有白瓜越瓜胡瓜○博物志曰人以冷水自漬至膝可頓嗽數十枚瓜漬至腰啖轉多至頸可啖百餘枚所漬水皆作瓜氣瓜味○李融爲政得吏人有祥瓜生六子而共一蒂

壺傳云壺瓠也○埤雅云似匏而圓曰壺亦曰壺盧
盧圓器也古今注曰壺盧瓠之無柄者也壺性善浮
要之可以涉水南人謂之要舟又可爲樽春秋傳曰
樽以魯壺司尊彝曰秋嘗冬蒸饋獻用兩壺尊鶡冠
子曰賤生於無所用中流失船一壺千金以此壺性
蔓生披蔓斬之故曰斷壺其收法八月冷露降輒先
斷其根令其餘蔓飲之已日乃收充堅成可用

苴

苴喪服注云苴麻之有實者○疏云麻九月初熟拾
取以供羹菜○本草經云麻子味甘平主補中益氣

久服肥健不老○月令仲秋食麻與犬孟冬天子以犬嘗麻

樗

樗惠子曰吾有大樹人謂之樗其本擁腫不中繩小枝拳曲不中規矩至于逢匠者不顧○陸機疏云樗樹及皮皆似漆青色其葉臭○本草圖經云椿樗二木相似但椿木實而葉香可噉樗木疎而氣臭膳夫亦能熬去其氣北人呼樗爲山椿江東呼爲虎目葉脫去有痕如樗蒲子又如眼目故得此名衍義云世以無花不實木身大其幹端直者爲椿其有花而莢

大身小幹多迂矮者爲樗

重膠

說文重先種後熟也稑疾熟也稑或从膠○周禮內宰上春詔王后生穜稑之種鄭司農云先種後熟謂之穜後種先熟謂之稑玄謂詩云黍稷穜稑是也賈公彥云先鄭直云先種後種不見穀名後鄭意黍稷皆有穜稑又云舍人以歲時縣穜稑之種以共王后之春獻種司稼辨穜稑之種

百穀

周官曰職方氏掌天下之圖辨邦國都鄙九穀之數

揚州荊州其穀宜稻豫州并州宜五穀青州宜稻麥
兗州宜四種黍稷稻麥雍州冀州宜黍稷幽州宜三
種黍稷稻○月令五時食穀春麥夏菽季夏稷秋麻
冬黍孟秋農乃登穀內則牛宜稌羊宜黍豕宜稷犬
宜粱鴈宜麥魚宜蓏○漢食貨志五種注麻金黍火
稷土麥水豆木○大戴禮云食氣者神明而壽食穀
者知慧而巧○穀梁傳云一穀不升謂之歉二穀不
升謂之飢三穀不升謂之饉四穀不升謂之康五穀
不升謂之大侵百穀說者云三穀各二十種爲六十
種蔬果各二十種共爲百穀三穀者曰粱者黍稷之

總名穀者溉種之總名菽者衆豆之總名蔬熟可以助食儉歲可以救飢果熟可食乾之可爲糧豐歉皆可充飢二者輔穀之不及故總曰百穀

物論

周禮三

農王九穀先鄭云黍稷秫稻麻大小豆大小麥炙穀子九穀禾稷麻麥稻粱菽大小豆雜俎九穀黍稷稻梁三豆二麥六穀周禮注稌黍稷粱麥菽於雕胡也五穀麻黍稷麥豆穀注禾麻粟麥豆又有所謂八穀者卽詩所云黍稷稻粱禾麻菽麥也

韭

韭說文云一種而久故云韭諺云韭懶人菜以不須

歲種也又利病人可久食字象形在一之上一地也
○禮記謂韭曰葑呂氏春秋曰堯時天降精爲韭爾雅疏俗呼韭根爲葵凡草根一名葵也○禮祭宗廟韭曰豐本其本豐則其末殺矣蓋薺之美在白韭之美在黃皆惡其末之盛也薺音

薺

○齊民要術曰韭高

三寸便翦初種之歲止一剪又曰剪如葱法一歲之中不過五剪凡剪不用日中故諺曰觸露不掐葵日中不剪韭也韭性內生根喜上跳故種與葵同法而畦欲極深內則曰膾春用葱秋用芥豚春用韭秋用蓼葱與芥陰物也韭與蓼陽物也傳曰政道得則陰

物變爲陽物鄭玄云若葱爲韭是也或曰老韭爲莧

○爾雅蘡山韭

崔音育

○有水韭生于池塘中葉似韭

有二三尺者五六月堪食不葷而脆字林云蒼水中
野韭也○本草云韭辛溫歸心安五藏除胃中熱

果羸

果羸朱註栝樓也此出爾雅果羸之實栝樓註實卽
子也故李巡云栝樓子名也郭云今齊人謂之天瓜
本草云葉似爪葉形兩兩相值蔓延青黑色六月華
七月實如爪瓣是也○本草經云栝樓根一名地樓
一名果羸一名天瓜一名澤姑實名黃瓜主胸痺悅

澤人面圖經云根亦名白藥皮黃肉白三四月內生
苗引藤蔓葉如甜瓜葉作又有細毛七月開花似葫
蘆花淺黃色實在花下大如拳生青至九月熟赤黃
色有正圓者有銳而長者

萃

萃爾雅云蘋蒿也葉青白色莖似箸而輕肥始生者
香可生食蒸熟爲蔬香美○盧氏雜說云唐文宗問
宰臣萃是何草李玗曰是蘋蕭上曰朕看毛詩疏萃
葉圓而花白叢生野中似非蘋蕭今詩疏又不如是
○毛傳萃萍也箋作蘋蒿以萍非野所生非鹿所食

也或云古人以水草之交爲麋則麋鹿亦食水草

蒿

陸機云蒿青蒿也荆豫之間汝南汝陰皆云
去刃切

孫炎云荆楚之間謂蒿爲𦥧郭云今人呼青蒿香中
炙啖者爲𦥧是也○晏子曰蒿草之高者也○爾雅
曰繁之醜秋爲蒿蓋繁之類至秋則高大矣故通呼
爲蒿也蒿之類至多如青蒿一類自有兩種有黃色
者有青色者陝西綏銀之間有青蒿在蒿叢之間時
有一兩株迥然青色土人謂之香蒿莖葉與常蒿悉
同但比常蒿色青翠一如松檜之色至深秋餘蒿並

黃此蒿愈青氣稍芬香○莊子稱今之君子蒿目而

憂世之患今蒿細弱而陰潤最易棲塵故以比蒿目

○本草云少蒿一名青蒿一名方潰生華陰川澤○

圖經云葉似茵陳蒿而背不白春生苗葉極細嫩時

人亦食雜諸香菜食之至夏高四五尺秋後開細淡

黃花花下便結子如粟米大衍義云根赤葉香○名

物疏云按爾雅繫之醜秋爲蒿則所謂蒿者不專爲

青蒿矣爾雅繫蒿蔚蓍蕡蕭七種毛詩俱有之本

草有茵陳蒿邪蒿同蒿三種詩中不見皆蒿屬

芩

芩亦香草○傳芩草也說文云蒿也陸機云莖如釵
股葉如竹蔓生澤中下地鹹處爲草真實牛馬亦喜
食之

杞

杞詩緝云詩有三杞將仲子無折我樹杞柳屬也有
臺南山有杞湛露在彼杞棘山木也此詩集于苞杞
林杜北山言采其杞四月隰有苞杞枸杞也○爾雅
云杞枸櫞注今枸杞也○廣雅云地筋枸杞○陸機
云一名苦杞一名地骨春生作羹茹微苦其莖似葵
子秋熟正赤莖葉及子服之輕身益氣○本草云枸

杞味苦寒久服堅筋骨輕身不老一名杞根一名地

骨一名枸杞又名地輔羊乳脚暑仙人杖西王母杖
生常山平澤及諸丘陵阪岸冬採根春夏採葉秋採

莖實○抱朴子云家菜一名托盧或名天精郤老地

骨○日華子云地仙苗卽枸杞○圖經云春生苗葉

如石榴葉而軟薄堪食俗呼爲甜菜莖幹高三五尺
作叢六七月生小紅紫花隨結紅實形微長如棗核

其根名地骨與枸棘相類其實形長而枝無刺者真

枸杞也圓而有刺者枸棘也世傳蓬萊縣南丘村多

枸杞一二丈其根盤結甚固鄉人多壽考亦飲食其

水土使然耳○沈存中云陝西極邊生枸杞高丈餘
大可作柱葉長數寸無刺根皮如厚朴甘美異于諸
處實圓如櫻桃全少核暴乾如餅極膏潤有味○寇
氏衍義云凡杞未有無刺者但此物小則多刺大則
少刺如酸棗及棘其實一也後人分別杞棘强生名耳

常棣

常棣爾雅云常棣棣陸機云白棣樹也如李而小如
櫻桃正白華萼上承下覆甚相親爾棣从衆言華萼
相承輝榮相承也今官園種之又有赤棣樹亦似白
棣葉如刺榆而微圓子正赤如郁李而小五月始熟

自關西天水隴西多有之○郭云今山中有棣樹子
如櫻桃可食○程子曰常棣今所謂玉李華萼相承
甚力則唐棣與常棣似非二種李氏云何彼穠矣之唐
棣爾雅所謂移此常棣與采薇惟常之華爾雅以爲棣

松

說文云松木也從木公聲古文榕從木容聲○列仙
傳曰松者橫也時受服者皆至三百歲○急就篇注
云松有黃赤白三種松有兩鬚三鬚者言如馬鬚形
也○廬山記石門巖卽松林也南臨石門澗澗中仰
視之離離如駢麈尾號麈尾松西嶺松如馬鬚又葉

五粒者名五粒松服之長生○李賀有五粒小松歌
新香幾粒洪崖飯○草木子今言松五粒兩粒粒當
言鬚五鬚松皮不鱗松命根遇石則偃蓋不必千年
也俗謂孔雀五鬚松也○花木攷云松有二種惟五
葉者結子○王逸子曰木有扶栱梧桐松栱皆受氣
淳矣異于羣類者也○國語曰松栱之地其土不肥
○神仙傳云松栱脂入地千年化爲茯苓茯苓化爲
琥珀琥珀一名江珠今泰山出茯苓而無琥珀蓋州
永昌出琥珀而無茯苓未詳何故○博物志松脂一
名松膏一名松肪松花一名松黃○玉策記曰千載

松樹枝葉四邊披起上杪不長望而視之有如偃蓋
其中有物或如青牛或如青犬或如人皆壽萬歲○
郭氏玄中記曰松脂淪入地中千歲爲茯苓○千年
松香聞于十里亦謂之十里香述異記○抱璞子曰松

之三千歲者其皮中有聚脂狀如龍形名曰飛節之
○廣志曰千歲老松子色黃白味似粟可食本草曰
松脂出隴西如膠者善○夢書曰松爲人君夢見松
者見人君也○列仙傳曰仇生赤當湯時爲木正常
食松脂自作石室周武王祠之又曰偓佺好食松實
能飛行速如走馬以松子遺堯堯不能服

臺

臺爾雅云夫須陸機云夫須莎草也可以爲簾笠禦雨疏而無溫故莎从沙或云臺草有皮堅細滑緻可爲簾笠南山多有○篆文曰臺一名山莎○本草香附子卽莎草根生田野二月八月採圖經云香附子交州者大如棗近道者如杏仁苗莖葉都似三稜根者附子周而多毛今近道生者苗葉如薤而瘦根如筋頭大

萊

傳云萊草名正義曰十月之交云田卒汚萊又周禮

詩經類考

本草木卷五下

四十一

云萊五十畝萊爲草之總名非有別草名之爲萊○
陸機疏云萊草名其葉可食今兗州蒸以爲茹謂之
萊蒸○萊原始云卽梨也一名落虆初生葉可食大
則爲樹可爲杖

杞

杞陸機云一名狗骨山其樹如樗理白而滑可以爲
函及檢板其子爲木蠹可合藥○曹氏云梓杞也

枸

枸疏云枳椇樹似白楊子著枝端噉之甘美謂之木
蜜能令酒味薄以爲屋柱一屋之酒皆薄○廣志曰

枳椇子似珊瑚樹乾者益美○正義云枸釋木無文
宋玉賦曰枳枸來巢則枸木多枝而曲所以來巢也
陸機疏云枸樹高大似白楊有子著枝端大如指長
數寸噉之甘美如飴八月熟今官園種之○本草云
枳椇味甘平一名木蜜其木皮溫唐本注云其樹徑
尺葉如桑柘其子作房似珊瑚核在其端人皆食之
○古今注云枳椇子一名樹蜜一名木錫實形拳曲
核在實外亦名白石白實木石○廣志云葉似
蒲柳子十一月熟○雅翼云古者人君燕食所加庶
羞凡三十一物其果則有棗棗栗榛柿爪桃李梅

杏楂

削加
反

梨又婦人之贊楨棗栗荆楚之俗亦監

藏荷舉以爲冬儲今不以爲重賤者食之而已

棗

棗鼠梓也爾雅疏郭云楸屬也今江東有虎梓○陸機疏云其樹葉木理如楸山楸之異者今人謂之苦楸是也○曹氏云宮室之良材

莪

莪原始云蒿屬科生田澤沮洳處葉似斜蒿而細三月莖可生食又可蒸香美味似萎蒿或云卽繁也始生曰莪爾雅云莪蘿註今莪蒿也亦曰蘿蒿蘿之爲

言高也舍人云莪一名蘿蒿一名角蒿○本草唐注
云葉似白蒿花如瞿麥紅赤可愛子似王不留行黑
色作角七月八月採蜀本圖經云葉似蛇床青蒿等
子角似蔓青實黑秋熟所在皆有之陳藏器云蘿蒿
生高岡宿根先于百草○衍義云角蒿莖葉如青蒿
開淡黃紫花花大約徑三四分花罷結子長二寸許
微灣○名物疏云陸機以爲生澤田陳藏器以爲生
高岡今以詩文証之陵阿則高地也沚則水中也然
則澤田高岡俱有莪矣

芑

芭毛傳曰菜也陸疏云芭菜似苦菜莖青白色摘其葉白汁出肥可生食亦可蒸爲茹青州人謂之芭西河雁門芭尤美胡人戀之不出塞是也○朱傳云卽今苦蕡菜宜馬食軍行采之人馬皆可食也○本草云野苦蕡五六回切後味甘滑于家苦蕡

藿

藿原始云香草也一云菽之小者可作蔬○公食禮云鋤茅牛藿注藿豆葉也

穀

穀惡木也而取名于穀者穀善也惡木謂之穀卽甘

草謂之大苦之類也本草曰楮一名穀陶氏云卽今構木誤矣先賢以爲皮斑者是楮皮白者是穀有辦者曰楮無辦者曰構按此非一種物類相感志云其膠可以團丹砂語曰構膠爲金石之漆是也○陸疏云幽州人謂之穀桑荆揚交廣謂之穀中州人謂之楮殷中宗時桑穀共生是也今江南人績其皮以爲布又擣以爲紙謂之穀皮紙潔自光澤其裏甚好葉初生可爲茹○管子云五沃之土其柞可穀○酉陽雜俎云構穀田久廢必生構○本草圖經云楮有二種一種皮有班花又謂之班穀今人用爲冠一種皮

無花但葉似葡萄作瓣而有子者爲佳其實初夏生如彈丸青綠色至六七月漸深紅色乃成熟八月九月採○抱璞子云楮實赤者鮮之一年老者還少○物類相感志云其膠可圃丹砂○埤雅云楮宜澗谷○雅翼云穀惡木易生實如楊梅而無核

粟

粟說文云嘉穀實粟之爲言續也○周禮云倉人掌粟入之藏春秋說題詞云粟助陽扶性一變而以陽生爲苗二變而秀爲禾三變而粲然謂之粟四變入自米出甲五變而蒸飯可食陽以一定爲法故粟積

一大分穗長一寸西者金所立米者陽精故西字合
米而爲粟○呂氏春秋曰飯之美者不周之粟○羅
氏云古不以粟爲穀之名但米之有孚穀者皆稱粟
今人以穀之最細而圓者爲粟則梁是其類○仁山
金氏云呂氏書說有殼曰粟無殼曰米按粟卽所謂
穀也古人米與穀兼積米切用而易腐穀氣全而可
久緩急兼儲後世軍儲獨以米故久卽不可食○本
草粟米味鹹主養腎氣去脾胃中熱益氣陳者味苦
主胃熱消渴利小便唐本注云粟類多種而並細于
諸粱北土常食與粱有別

遂

傳云遂惡菜也○箋云牛蘋也亦仲春時可採也○
遂原始云卽馬尾草也亦可作蔬爾雅云遂蕘他羊反
馬尾註廣雅曰馬尾蕘陸本草云別名蕘今關西亦
呼爲蕘江東爲當陸一名蕘根一名夜呼一名白昌
不同者所見本異也爾雅又云蕘牛蘋蕘切回蘋音
註今江東呼草爲牛蘋者高尺餘許方莖葉長而銳
有穗穗間有華華紫縹色可淋以爲飲疏縹青白色
淋以水沃也陸機云今人謂之羊蹄似蘆菔而葉長
赤臍爲茹滑美本草羊蹄一名東方宿一名連茹陸

一名鬼目一名葛隱居云今人呼茺菜卽葛音之訛
詩云言采其蓄圖經云生下濕地春生苗高三四尺
葉狹長頗似蒿苣而色深莖節間紫赤花青白成穗
子三稜若茺蔚夏中卽枯根似牛蒡而堅實衍義云
葉如菜中蕷陵但無岐而色差青白葉厚花與子亦
相似○孫炎注爾雅卽車前草然本草有五名並不
云牛頸

蓄

箋云蓄亦仲春時生可采○原始云俗名老鴉蒜昔
生于燕地今隨處有之河內謂之葵幽州謂之蓄

一名蕷。凶歲可蒸以禦饑。爾雅云：葛，當註大葉白華。根如指正白，可啖者熟灰中溫啖之。爾雅又云：葛，蔓。註：華有赤者爲蕷。蔓，葛一種耳。亦猶凌苕、華黃、白異名。○廣雅云：烏楚，葛也。或云：葛花葉有兩種。一種葉細而花赤，一種葉大而花白，復香。○風土記云：葛蔓生被樹而升紫黃色，大如牛角，二三同蒂，長七八尺，甜味如蜜。○名物疏云：按陸機所言花赤者，卽是蕷。茅也。風土記所云恐別是一物，遂當毛公並謂之惡菜，然遂堪入藥用。葛花白而香，根可茹，未必惡菜也。

莞

爾雅草方

寐切

鼠莞註纖細似龍鬚可爲席蜀中出蘆

莞屬一名鼠莞又云莞荷蘿其上蒿疏本草云白蒲
一名荷蘿楚謂之莞蒲其上臺別名蒿鄭箋云莞小
蒲也以莞蒲一草之名而司几筵有莞筵蒲筵則有
大小之異爲席有精有粗故得爲兩種席也○釋文
云草叢生水中莖圓江南以爲席形似小蒲而實非
也○廣雅曰葱蒲莞也○箋云莞小蒲席○濮氏曰
莞又云燈心草生池澤中卽荷蘿也○本草云燈心
草叢生莖圓細而長直人將爲席

蔚

蔚朱註云牡藪也此出爾雅註云蔚卽蒿之雄無子者故曰牡藪陸機云牡蒿也一名馬新蒿音蒿一名藪僅郭氏曰牡藪三月始生七月華華似胡麻花而紫赤八月爲角角似小豆銳而長言無子者蓋今青蒿葉端皆作子如米大蔚獨無耳○本草馬先蒿陶隱居云一名爛石草唐本注云葉如茺蔚紅白色實八月九月熟俗謂之虎麻茺蔚苗短小子夏中熟而初生二種極相似○陸佃云蔚大于蒿○名物疏云按爾雅繁之醜秋爲蒿蔚卽蒿之大者莢莖可生食蒸

食香美至秋則變爲蒿蔚矣故以喻父母生子以爲
美材而卒不得終養也朱子此解勝于舊注但莪美
菜蒿賤草之訓似以爲二物蔚古人皆以爲無子故
曰牡藪而本草注云八九月有實圖經云入藥當用
有子者爲正未知何以矛盾

棟

爾雅棟赤棟白者棟疏棟赤者名棟白者卽白棟山尼切
郭璞曰赤棟樹葉細而岐銳皮理錯戾好叢生山
中中爲車輞白者葉圓而岐爲大木也陸機云棟葉
如柞皮薄而白其木理赤者爲舜棟一名棟白者爲

棟木皆堅韌今人以爲車轂

萬

萬爾雅云寓木宛童郭云寄生樹一名萬陸機云葉似當盧子如覆盆子赤黑恬美○本草云桑上寄生其實明目輕身通神一名寄胥一名寓木一名宛童一名萬生弘農川谷桑樹上三月三日採莖葉陰乾陶隱居云桑上者名桑上寄生爾詩云施于松上方家亦用楊楓上者各隨其樹名之生樹枝間寄根在皮節之內葉圓青赤厚澤易折旁自生枝節冬夏生四月花白五月實赤大如小豆蘇恭云此多生槲櫟

柳木楊楓等樹上子黃大如小棗實九月始熟陶說
非也圖經云寄生云是烏鳥食物子落枝節間感氣
而生葉似橘而厚軟莖似槐皮而肥脆三四月開花
黃白色六七月結實黃色如小豆

女蘿

女蘿毛公云菟絲松蘿也○陸機云尤絲蔓連草上
黃赤如金今合藥菟絲子是也非松蘿松蘿自蔓松
上生枝正青與兔絲殊異○本草云松蘿一名女蘿
生熊耳山川谷松樹上五月採○藥性論云松蘿能
治寒熱吐客痰○名物疏云按菟絲名女蘿爾雅所

云是也松蘿一名女蘿博雅及本草所云是也古詩
云與君爲新婚鬼絲附女蘿李善云二者異草毛公
誤合爲一此詩女蘿施松自是松蘿耳與鬼絲了無
涉什文云在草曰鬼絲在木曰女蘿亦非蓋鬼絲亦
蔓延于木也

柞

爾雅曰栩杼柞也疏云栩今作殼爲斗可以染皂今
俗及河內云杼斗或棟斗

片

本草水芹味甘平主養精保血脉益氣令人肥健嗜

食一名水英芹有兩種青芹取根白色赤芹取莖葉並堪作菹○孟說云水芹置酒漿中香美高田者名白芹○呂氏春秋曰菜之美者雲夢之芹○埤雅云芹潔白而有節其氣芬芳而味不如尊美故列子以爲客獻芹者鄉豪取而嘗之齧音哲口慘腹○爾雅云芹楚葵俗呼水芹菜一名水英葉似芎藭根赤白色花白色而無實○爾雅翼云水芹二月三月作英時可作菹及熟煖食之又有渣芹可生歟○周禮醢人嘉豆之實用水草則有芹菹淡蒲其朝事之豆則有昌本茆菹禮記曰常豆之菹水草之和氣也嘉豆陸

產也其醸水物也○芹或曰不如高田者宜人高田者多白芹今舒蘄多用之故蘄蛇用于世者體皆作此物香蓋所嗜云土人名爲水白芷或曰蘄之爲蘄以有芹也蘄卽芹亦有祈音

稗

稊稗似苗但其芑有毛北人呼爲鳥禾有二種一黃白一紫黑今人不甚重惟祠事用之農家種之以防五穀之不熟

綠

綠一名王芻爾雅莧蓐也今呼鴨腳莎一云鹿蓐

藍

蘇恭云藍實有三種一種圓徑三寸許厚三四分出
嶺南名木藍子菘藍堪切爲漬本草經所用乃是蓼
藍實其苗似蓼而味不辛者菘藍惟堪染青蓼藍不
堪爲漬惟作碧色○圖經云藍實人家蔬圃中作畦
種蒔三四月生苗高二三尺葉似水蓼花紅白色實
亦若蓼子而大黑色五六月採實卽蓼藍也菘藍爾
雅所謂馬藍又福州有一種烏藍四時皆有江寧有
吳藍二三月生如蒿葉青花白○爾雅曰歲馬藍染
草也卽今大葉冬藍爲漬者是六月可種冬藍冬藍

木藍也八月用染○禮記月令曰仲夏令民無刈藍
鄭氏云爲傷長氣然則刈藍于夏先王之法禁焉藍
于草中獨有禁故字从監○孫卿曰青出於藍而青
于藍○秦子曰嘗聞作人當如圓圃之藍不異衆草
染而後朗然不如唐棣之華灼自顯○齊民要術以
爲種藍一同葵法藍三葉澆之薅治令淨五月新雨
之後卽拔栽之故夏小正五月蓄藍灌沐藍蓼灌澆
灌也沐剝沐也○崔寔曰榆莢落時可種藍五月可
刈藍○趙岐邠卿道經陳留此境人皆以種藍染紺
爲業藍田彌望黍稷不殖慨其遺本遂作賦一章其

藍賦有曰同丘中之有麻似麥秀之油油○續漢書
曰楊震種植藍以供食母諸生皆有助種藍者輒拔
更種以拒其後○習鑿齒與謝侍中書云此有紅藍
足下知之否北方人採取其花染緋黃摘其上英鮮
者作煙支婦人裝時用作頰色出北
戶錄

白華

爾雅曰華野菅注白華一名野菅陸機云菅似茅而
滑澤無毛根下五寸中有白粉者柔韌宜爲索漚乃
尤善矣郭云菅芥屬白華亦茅類也異其名謂之爲
菅○埤雅曰已漚爲菅未霑人功故曰野菅

芳

芳一名陵苕本草一名陵時舍人曰黃華名蕷白花
名斐音沛陸機疏云一名鼠尾生下濕水中七八月中
華紫似今紫草可染皂煮以沐髮卽黑鄭箋云陵苕
之華紫赤而繁陸機亦言其華紫色而此言黃白者
就紫色之中有黃紫白紫耳及其將落則全變爲黃
爾雅翼云今凌霄花是也蔓生喬木上極木所至開
花其端鄭箋所謂紫赤而繁花衰則黃蓋非也是物
雖名紫葳而華不紫又或以瞿麥根爲紫葳瞿麥花
紅亦非此類然則芸其黃者正自花開之色耳此華

亦彌縫石壁盛夏如錦繡不可仰望露滴目中有失明者

爪趺

爾雅跌角步其紹跌

角切

註俗呼趺爪爲趺紹者爪蔓

緒亦著子但小如趺

一名趺小爪也紹繼也爪

之蔓緒紹先歲之爪必小亦名趺故云紹趺舍人曰

趺名狗小爪也紹繼謂趺子漢中

小爪曰趺孫炎曰

趺小爪子如狗其本子小紹先歲之爪曰趺然則爪

之族類本有二種大者曰爪小者曰趺此則其種別

也而爪蔓爪本之爪必小于先歲之大爪以其小如

故謂之殃殃是約之別名

莖

朱傳云莖烏頭也○廣雅云附子一歲爲翦子音二
劍二歲爲烏喙三歲爲附子四歲爲烏頭五歲爲天雄○本草云冬月採爲附春採爲烏頭烏頭味辛甘溫大熟有大毒一名奚毒一名卽子一名烏喙三寸以上爲天雄陶隱居云春時莖初生有腦形似烏鳥之頭故謂之烏頭有兩岐其蒂狀如牛角名烏喙○吳氏本草云烏頭一名茛音郎一名千秋一名毒公一名果負一名耿子禹錫等云正月始生葉厚莖方中空葉

四面相當與蒿相似圖經云烏頭烏喙天雄附子前
子都是一種冬至前陸田耕五七遍以猪糞糞之逐
月耘耔至次年八月後方成苗高三四尺莖四積葉
如艾花紫碧色作穗實小黑如棗椹本只種附子熟
後有四物長二三寸爲天雄附子旁尖牙角爲側子
絕小者亦名側子元種者爲烏頭其餘大小皆爲附
子○爾雅云芨董草註卽烏頭也江東呼爲董芨音急
董新晉語驪姬將譖申生寘鳩于酒寘董于肉賈逮
曰董烏頭也○詩緝云荼雖苦得霜甜脆故可言如
飴烏頭毒物不可食何由知其如飴乎毛氏以董爲

菜不言毒物○內則云堇荁粉榆注云荁似堇而葉大○公食禮鉶筆皆有滑注云滑堇荁之類○說文云堇根如蕡葉如細柳蒸食之耳○爾雅云醬苦堇郭云今堇葵也葉似柳子似米肉食之滑者○本草董汁味甘唐本注云此菜野生非人所種俗謂之堇菜葉似蕡花紫色

棫樸

棫樸叢生之木苞櫟之屬也棫爾雅云一名白桞小木叢生有刺實如耳璫紫赤可啖陸機云棫卽柞也其材理全白無赤心者爲白桞直理易破可爲檣車

輜又可爲矛戟矜今人謂之白桺或曰白柘未知孰是

楨

尚書曰荊州厥貢惟箇篠楨注云出雲夢之澤○詩義疏曰楨上黨人箋以爲箱器屈以爲釵故上黨調問婦人買赭否龜中自有黃土買釵否山中自有楨○藝文類聚云楨木中矢也○陸機云楨其形似荆而赤莖似蓍

楨

爾雅云楨柶疏楨一名柶音而陸機疏云葉如榆木理

堅韌而赤可爲車轔郭云樹似槲楓而庫小子如細
栗可食今江東亦呼爲櫟栗禮記內則云芝櫟凌根
是也○內則云芝櫟凌根鄭氏云人君燕食所加庶
羞也

菑翳

毛傳云木立死曰菑自斃爲翳爾雅疏李巡云以當
死害生曰菑以立死之木妨他木生長爲木之害故
曰菑也自斃者生木自倒枝葉覆地爲陰翳故曰翳

檉

檉河柳今河旁亦莖小楊枝葉如松皮正赤如絳一

名雨師天之將雨樅先起氣以應之說文知雨而應于天道木之聖者也故从聖亦能負霜雪大寒不凋有異餘柳衍義云卽今之三春柳以一年三秀也三月開淺紅花成細穗河西諸戎人取滑枝爲鞶

潞安府志

草木子赤白樅大者爲炭復入炭汁可以煮銅爲銀本草云赤樅木皮赤色葉細其中木脂一名樅乳○南都賦志樅似柏而香○通志云大概松柏之類而意態似柳故謂之樅柳其材可卷爲盤合又有一種名赤楊又名水楊與此相似而植之水邊其葉經秋盡紅人多植于門巷

詩經卷之六

椐檻也爾雅疏陸機云節中腫似扶老卽今靈壽是也今人以爲馬韁及杖弘農郡甚有之○本草云靈壽木作杖令人延年益壽圓長皮紫○漢書孔光傳賜靈壽杖師古曰木似竹有枝節長不過八九尺圍三四寸自然合杖制不須削治也○山海經云廣都之野靈壽實華○王粲頌云寄幹堅正不待矯軸

七

歷爾雅注云似枲材中作弓及車轅禹貢青州厥籠
歷絲注云歷枲枲絲中琴瑟絃

柘

埤雅柘宜山石柞宜山阜楮宜澗谷柳宜下田竹宜高平之地攷工記曰弓人取材柘爲上櫟次之檻檠次之橘次之木爪次之荆次之竹爲下蓋弓材莫良于檻○師古云山檠之有點文者花木攷云繭生山檠不浴不飼居民取之製爲檠久而不敝○月令云季春無伐檠柘○投壺云矢以柘若棘○考工記弓人取材柘爲上○周書云季夏取檠柘之火○淮南子云八月其樹柘○四民月令云柘染色黃赤人君子所尊○蠶書云柘葉飼蚕其絲作琴瑟絃清鳴響亮

○埤雅云柘宜山谷古今注柘實曰佳佳言隹鳥性所食○本草衍義云柘木理有文亦可旋爲器○名物疏按鄭箋云岐周之地險隘多樹木迺競刊除而自居處其刊除之次陸農師論之詳矣作屏修平啓闢攘剔八字皆刊除之義也蓋歸周者日衆地無所容故伐木以立田宅無暇論其材之美不美以去留之也自程子有脩治叢列及剔去繁冗之說而朱子因之故後人遂謂去惡木以存美材不知櫧可入藥爲器椐中爲杖亦何嘗不可用而併啓闢之乎

莊菽

爾雅戎菽謂之荏菽註卽胡豆也戎叔一名荏菽孫
炎云大豆也朱註本此鄭箋亦以爲大豆樊光舍人
李巡郭氏皆以爲胡豆郭又云春秋齊侯來獻戎捷
穀梁傳曰戎菽也戎胡俱夷名故以戎菽爲胡豆○
博物志人啖豆三年則身重行止難常食令人肥肌
粗燥○說文云共工氏有不才子以冬至日死爲疫
鬼畏赤小豆故冬至以爲粥厭之

秬秠

糜芑

秬秠糜芑朱註出爾雅糜爾雅作蕡註秬秠皆黑黍
矣而春官鬯人註云釀秬爲酒秬如黑黍一秬二米

言如者以黑黍一米者多二秬爲正稱二米則秬中之異故言以秬有二等也宗廟之中惟裸爲重二米嘉異之物鬯酒宜當用之漢和帝時任城縣生黑黍或三四實二米得黍三斛八斗是也○呂氏春秋曰飯之美者南海之秬○爾雅翼云釋草曰秬黑黍秬一稃二米是秬秬之所以異者在此然則秬必不黑秬必不二米也如鄭氏釋春官鬯人則是以秬之狀雜之于秬郭氏解草又曰秬亦黑黍則又以秬雜之于秬矣○什草云秬黑黍李巡曰黑黍一名秬黍○雅翼云古者薦邊有白黑形鹽白爲熬秬黑卽秬

也至藏冰則用秬黍以享司寒蓋倣其方之色亦以爲酒謂之秬鬯○瑞應圖云后稷播種天降秬秬○孔叢子魏王問子順曰昔上天神異后稷爲之下嘉穀周遂以之興○本草圖經云秬黍之中一秤二米者得天地中和之氣迺生米粒皆勻無大小得此然後可制鍾律○名物疏云按今百穀一秤二米者唯麥爲然說文解秬秬亦云一秤二米而解來字云周所受瑞麥來牟一來二縫然則秬正來牟耳但生民臣工所稱不同來牟又爲釐牟古者來釐不三字相通○爾雅曰釐赤苗芑白苗又曰粢秬也說文曰粟

嘉穀實也粟之爲言續也○呂氏春秋曰飯之美者不周之粟○本草曰陳粟味苦無毒○崔豹古今注曰糜穄也後漢書曰烏丸國其地宜穄

梧桐

雅翼云梧木易生鳥啣墜者輒隨生植其畦種者歲可種一丈埤雅云青桐花淨妍雅極可愛梧棗鄂皆五焉其子似乳綴其棗鄂生多或五六少或一二飛鳥喜巢其中○青史子云梧東方之草春木也○王逸子云梧桐春榮陽木也○爾雅注榮木梧桐也梧一名櫟爾雅曰櫟梧注今梧桐也○禮記曰季春之

月桐始華○周書曰清明之日桐始華桐若不華歲有大寒桐知日月正閏生十二葉邊有六葉從下數一葉爲一月閏則十三月小者卽知閏何月也不生梧桐之葉十三黃楊之厄一寸○桐有三種華而不實曰白桐葉三枚開白花爾雅所謂榮桐木也皮青而結實曰梧桐四月開淡黃花一如棗花枝頭出絲墮地成油一曰青桐淮南子謂梧桐斷角也生于山崗南越志曰青桐花似木棉而輝薰過之子大而有油曰油桐早春先開淡紅花毛詩謂梧桐不生山崗

也月今桐始華白桐也埋雅謂桐與天地合氣者也今造琴瑟以花桐是白桐也○爾雅頴桐夏花紅如大刺桐出泉州花先葉後則五穀熟○月令廣義頴桐花嶺南處處生自初夏至秋蓋草也葉如桐其花淡黃皆深紅之極者俗訛呼爲貞桐花非是○調言曰世嘗言金井梧瓢以葉上有黃圈文如井故曰金井非井欄也○華陽國志益州有梧桐華采如絲人績以爲布名曰華布○廣志曰異國有白桐木其葉有白毳取其毳淹績織以爲布也○遊山記曰吹臺有高桐皆百圍嶧陽孤桐方此爲劣○七發曰龍

門之桐百尺無枝其中鬱結輪茵扶疎以分離其根半死半生冬則烈風飄霰飛雪○張協七命曰寒山之桐出自大冥含黃鐘以吐幹據蒼岑以孤生○瑞應圖曰王者任用賢良則梧桐生於東廂

來

來通作黍西番有麥舊名番麥亦曾進貢故名御麥其幹葉類穄其苞如拳而大其鬚如絨而紅其粒如芡而瑩白花開于頂實結于節乃異種也

筍

荀爾雅云筍竹萌_同意_沿箭萌○天官醢人云筍菹雁

醸筍菹魚醢○陸機云筍皆四月生惟巴竹筍八月九月生始出地長數寸鬻以苦酒豉汁浸之可以就酒及食○呂覽云和之美者越駱之筍注越駱山名箇竹筍也○筍譜云竹初種根食土而下求乎母也及擢筍冒土而上愛乎子也筍大約不過青綠色本草木性甲乙氣○李英公本草云竹筍性甘無毒主消渴利水道益氣可久食

廿

直傳云水中浮草○箋云樹上棲苴○疏云苴是草木之枯槁者故在樹未落及已落爲水漂皆稱苴也

疏稗

疏稗朱傳云疏糲也稗則精矣○九章算術云粟率五十糲米三十稗二十七穧二十四御二十一

茶蓼

蓼爾雅云蕘虞蓼也註疏蕘一名虞蓼卽蓼之生水澤者也爾雅又云荼委葉疏荼穢草也一名委葉王肅云茶陸穢草然則茶者原田蕪穢之草非苦菜也茶作荼蕡作朶○名物疏云茶蓼二草也田田有原隙故並舉水陸穢草○吳氏本草曰蓼實一名天蓼一名野蓼一名澤蓼○月令季夏燒薙行水利以

殺草如以熱湯可以糞田疇可以美土疆以蕷荼蓼
之謂也○禮記云膾秋用蓼濡豚包苦濡雞醯醬濡
魚卯醬濡熬醯醬實蓼鶡羹雞羹駕釀之蓼○蜀本
圖經云蓼有紫赤青馬水香木等七種紫赤二蓼葉
小狹而厚青香二蓼葉相似而俱薄馬水二蓼葉大
上有黑點木蓼一名天蓼蔓生葉似柘諸蓼花皆紅
白子皆赤黑木蓼花黃白子皮青滑

茆

茆卽蕷一名水葵浮水上莖甚淡三月至八月細如
針股九月至十月漸粗硬十一月萌在泥中粗短名

瑰蓴味苦體澁爲羹勝雜菜宜雜鮒鯉爲羹又宜老人魚與蓴兩物相宜最爲珍味然以鱠鱠爲之更足生病芹取有香蕪取有文茆取有味○埤雅茆蓴也葉如茆菜而紫莖大如箸柔滑可羹○陸機云茆與荇相似葉大如手赤圓有肥者著手中滑不得停莖大如七柄葉可以生食又可鬻滑美江南人謂之蓴菜諸陂澤水中皆有○周禮有茆菹用此物爲菹○茆杜子春讀爲卯說文作力久切以泮宮詩讀之說文音爲叶○說文云茆鳧葵也詩曰言采其茆力久切

○周禮醢人朝事之豆茆菹麋羣注云茆鳧葵釋文

云茆音卯北人音柳

○于寶云今之鷄

音曉

草堪

爲菹江東有之

○何承天云此菜出東海堪爲菹

○名物疏云按本草鳧葵是芥菜尊別一物合陸機

鄭小同之說觀之茆是尊耳于寶何承天之說非也

或以爲猪尊猪尊卽本草圖經所謂琨尊又一名琨

尊茆與芥本相似故古人卽謂之鳧葵

種穉

種穉傳云先種曰種後種曰穉○韓詩說云種長稼
也穉幼稼也○說文云種早稼也穉幼禾也○正義
云重穡種穉生熟早晚之共稱耳非穡名當謂先種

先熟後種後熟但傳略不言其熟